

**165 § Sää'mkiöll-lää'jj 31§ meâldla riikkveä'kkvuõđ oocmõš ekka 2024**

Sää'mkiõl lu'vddkâ'dd 26.3.2024 § 19

**Sää'mkiöll-lää'jj 31§ meâldla riikkveä'kkvuõđ oocmõš ee'jj 2024****Čiõ'lggõs**

Tuuli Miettunen, oou'deemšurr, sää'mkiõllsaž da kulttuurmeâldlaž kääzkkõõzz

Sää'mkiöll-lää'jj 31§ mie'ldd riikk täallarvvlõ'sse âlgg tän lää'jj suâvtummuž diõtt šõõddi takai jeä'rab lââ'sskooli kâ'ttem vääras vä'ldded mie'rrtie'ggg riikkveä'kkvuõđid pue'rrvââjjamvoudda, koo'ddid, seä'brkkoo'ddid, saa'mi dommvuu'd paalgâskoo'ddid di 18 §:st jurddum privatt toi'mmjeejid. Riikkveä'kkvuõđ täävtõs lij tue'rjjeed sää'mkiöll-lää'jj teâuddjummuž nu'tt, što lää'jj suâvtummuž diõtt šõõddi takai jeärab lââ'sskoolid kää'ttet. Veä'kkvuõđ vuei'tet miõttâd oudm. puõ'tti obbvuõđid: jâarglâ'ttem- da tu'lkkëemkoolid (ml. õlmstâ'ttemtâimm), teâđtummša, sää'mkiõli škooultõõzz da kiõllmäättai äiggisaž sâjjsažkoolid, da koolid, kook kue'skke sää'mkiöll-lää'jj suâvtummuž oudâsviikkmoõžž. Vuõiggâdvuõttministeriast 28.2.2024 vuäžžum oudteâđ mie'ldd ee'jj 2024 riikkveä'kkvuõtt lij oocâmnalla ääi'jest 1-30.4.2024 da oocâmnalla âarrai riikkveä'kkvuõđ mie'rr lij õhttse'žže 250 000 eu'rrred.

Sää'mkiöll-lää'jj 25§ mie'ldd Lappi pue'rrvââjjamvuu'd tuâjjlaid vuei'tet miõttâd päälklaž ve'rğgluõvâsvuõđ le'be vuei'tlvažvuõđ lee'd meâdda tuâjast ve'rğgguâjai hâiddmoõžž beä'lnn taarblaž sää'mkiõl silttõõzz ha'ŋkkummuž vääras, jõs suu kääzkkâ'stemkõskkvuõtt tän tuâjju'vddi kääzkkõõzzâst lij pešttaam uu'ccmõsân õõut ee'jj. Mätt'tõs- da kulttuurministeria lij tu'mmjam teäggted Oulu universitee'tt da Lappi ämmatõllškooli jââ'dtam ha'ŋkkõõzzid, koin škooultet sää'mkiõllsaž sosiaal- da tiõrvâsvuõttisue'rj tuâjjlaid da viiggât oudâs sää'mkulttuur silttõõzz, koon taarbšet sosiaal- da tiõrvâsvuõttkääzkkõõzzin. Ha'ŋkkõõzzi čõõđtemäi'ggg lij 2023-2026 da tõi teäggtoõs lij õhttse'žže 2 miljoon eu'rrred. Ha'ŋkkõõzzi ääi'j sosiaal- da tiõrvâsvuõttisue'rj tuâjjlaid jurddum sää'mkiõli škooultõõzz lâssne kõskkpoddsânji. Škooultõõzzid riâššât tá'vv-, aanar-, da nuõrttsää'mkiõlid nu'tt, što puk jie ää'lj seämma ääi'j. Škooultõõzzi täävtõsjoouk lie še Lappi pue'rrvââjjamvuu'd tuâjjla.

Sää'mkiõli škooultõõzzi takai pue'rab ta'rjjummuž diõtt ee'kkken 2023-2026 lij taarblaž teäddeed sää'mkiöll-lää'jj 31§ meâldlaž riikkveä'kkvuõđ oocmõõžžâst tuâjjlažkââ'dd sää'mkiõli määttai äiggisaž sâjjsažkoolid, da eman tõn mâŋŋa jâarglâ'ttem- da tu'lkkëemkoolid. Oõut ee'jj pi'stti sää'mkiõl määttaid vuässõõtti sosiaal- da tiõrvâsvuõttisue'rj tuâjjlai sâjjsažkool lie leämma koo'ddin n. 30 000-40 000 eu'rrred/tuâjjlaž.

## E'tkkös

### Oou'deemšurr, sää'mkiöllsaž da kulttuurmeâldlaž kääzzkõõzz

Sää'mkiöl lu'vddkâ'dd e'tkkad vu'vddhalltõ'sse, što Lappi pue'rrvââjjamvu'vdd 0033 sää'mkiöll-lää'jj 31š meâldla riikkveä'kkvuõđ ekka 2024 õhttse'žže 200 000 eu'rred, ko'st 165 000 eu'rred sää'mkiöll-lää'jj 25š meâldlaž sâjjsažkoolid da 35 000 eu'rred jáarglâ'ttem- da tu'lkkëemkoolid.

## Cõggneei

### Ķiõtt'tõõllmõš

### Mottum e'tkkös

### Tu'mmstõk

Sää'mkiöl lu'vddkâ'dd e'tkkad vu'vddhalltõ'sse, što Lappi pue'rrvââjjamvu'vdd 0033 sää'mkiöll-lää'jj 31š meâldla riikkveä'kkvuõđ ekka 2024 õhttse'žže 200 000 eu'rred, ko'st 165 000 eu'rred sää'mkiöll-lää'jj 25š meâldlaž sâjjsažkoolid da 35 000 eu'rred jáarglâ'ttem- da tu'lkkëemkoolid.

### Lââ'ssteâđ

Tuuli Miettunen

Oou'deemšurr, sää'mkiöllsaž da kulttuurmeâldlaž kääzzkõõzz  
tuuli.miettunen@lapha.fi te'l. 040 484 2676

Lappi pue'rrvââjjamvu'vdd vu'vddhalltõs 10.4.2024 § 165

### Čiõ'lggõs

Tuuli Miettunen, oou'deemšurr, sää'mkiöllsaž da kulttuurmeâldlaž kääzzkõõzz

Lappi pue'rrvââjjamvu'vdd vaaldšemvuâkkõõzz 37š mie'ldd sää'mkiöl lu'vddkâ'dd tuâjj lij valmštõõllâd vu'vddhalltõ'sse e'tkkõõzz sää'mkiöll-lää'jj (1086/2003) 31š meâldla riikkveä'kkvuõđ ââ'nnemtäâvtõõzzin. Vuõiggâdvuõttministeria lij i'lmmtam ooccâmnalla sää'mkiöll-lää'jj 31 š meâldla riikkveä'kkvuõđid ekka 2024. Veä'kkvuõđi täävtõs lij oou'deed sää'mkiöll-lää'jj teâuddjummuž nu'tt, što lää'jj suâvtummuž diõtt šõõddi takai jeärab lââ'sskoolid kää'ttet. Âân ooccâmnalla âârrai veä'kkvuõđid leä't jurddum 1.1.2024 mâŋŋa šõõddi lââ'sskoolid. Ooccâmäi'gg älgg 1.4.2024 da poott 30.4.2024 č. 16.15. Vuõiggâdvuõttministeria vuäitt ââ'nned veä'kkvuõđid õhttse'žže 250 000 eu'rred.

Sää'mkiöl lu'vddkâ'dd lij sâbbrestes 26.3.2024 tu'mmjam ministeriast vuâžžum ouddeâđ vuâđald e'tkkëed vu'vddhalltõ'sse ekka 2024 ooccâmnalla âârrai riikkveä'kkvuõđ meä'r da ââ'nnemtäâvtõõzzid.

## **E'tkkös**

### **Pue'rrvââjjamvu'vddjää'dteei**

Vu'vddhalltös tu'mmai, što Lappi pue'rrvââjjamvu'vdd oo33 sää'mkiöl lu'vddkää'dd e'tkközz meâlddsânji sää'mkiöll-lää'jj 31§ meâldla riikkveä'kkvuõđ ekka 2024 õhttse'žže 200 000 eu'rred, ko'st 165 000 eu'rred sää'mkiöll-lää'jj 25§ meâldlaž sâjjsažkoolid da 35 000 eu'rred jåarglâ'ttem- da tu'lkkëemkoolid.

### **Lââ'ssteâđ**

Tuuli Miettunen

Oou'deemšurr, sää'mkiöllsaž da kulttuurmeâldlaž kääzzkõzz  
tuuli.miettunen@lapha.fi te'l. 040 484 2676